


6244
:64

用人

歷代名臣奏議

卷之一百四十八

一百四十九



歷代名臣奏議卷之一百四十九

用人

宋寧宗時衛涇論人才六事。上奏曰。臣聞人材盛衰繫國隆替。國之將興。則朝多雋良。精神可以折衝。及其將卑。士氣銷弱。緩急不可倚仗。此爲國遠慮者。所當憂也。然材之盛衰不同。非天之生材有時。其所以壅閼摧傷之者。固非一端也。書稱用人必詢於僉謀。孟子論用賢必斷之國人。蓋人材至多。非一人所能盡知。所可信者。天下之公議也。公議所與從而與之。公議所非從而去之。予奪去取。一本乎公議。則人之賢不肖。曉然而易辨矣。若捨公議之所在。信任左右。以爲耳目。則愛惡毀譽。或行其間。浸潤膚受。有不自覺。左右所謂賢。未必爲公議之所與也。公議所謂賢。未必不爲左右之所忌也。其言亦間有合於公議者矣。蓋欲取信於人主。而爲他日不肖者之地也。如是

則諂諛阿附之徒僥倖獲用而孤立獨行之士無自而進矣。此人材所由衰者一也。人主之德莫大於虛心無我。舜之所以大。不過曰舍己從人。夫惟虛心無我。則可以翕受衆正。舍己從人。則能取人以為善。苟或蔽有我之累。無舍己之誠。則愛憎任情。不得其正。鯁亮者未必非忠也。而終惡其忤己。諛說者未必非佞也。而終喜其順己。任政事者據誼執正。則以為好異。遵守成模。則以為稱職。任言議者論奏無隱。則齟齬難合。少所建明。則馴致進用。抑不思鯁亮者果為愛君乎。諛說者果為愛君乎。此人才所由衰者二也。序進賢能。大臣之職也。人主不能自用天下之才。故舉而屬之大臣。大臣進用。秉方裁量。失平。則易其人可也。達賢進能之柄。不可奪也。大臣欲避主疑。以為自安之計。遂不以明揚士類。收拔人物為己任用。捨進退。惟奉成旨。不敢平章。至使衡柄旁出。進取多門。大臣失職。此人才所由衰者三

也。人材固未易徧識。伏於䟽遠者。尤不能知。操柄者苟平心應物。廣詢博採。以為賢則用。以為不賢則棄。借未盡當。十得六七矣。柰何平居為親故。擇官之意。常多為國求材之意。常少。好趨進者。以既已而亟用。樂安恬者。以踈已而見遺。權力多助者。不能沮止。孤寒寡援者。不能薦進。守格法則賢愚同滯。務甄拔則槩量無準。此人材所由衰者四也。士大夫之資稟。不能皆齊。而其趨向亦各異。亮直者或易至過抗。而安於循默者。必指以為沽名。剛正者或少所涵蓄。而便於容悅者。必指以為矯激。私相詆訾。浸淫不已。遂致人主入其言。亦疑其為沽名。疑其為矯激也。而疾之。彼固未免於或偏也。就其偏而論之。世之容默者常多。而剛直者常少。人主又不能為之保持。所以多者常廢。而少者常見沮也。此人材所由衰者五也。士大夫所以重於朝廷者。以去就不苟也。有官守者。不得其職。則去。然後可以守其職。有

言責者不得其言則去。然後可以行其言。夫義所當去。聽其去。非特足以全士大夫進退之節。亦所以重朝廷之職守也。若漫然欲去而不力。遂然止之而即止。去就義乖。廉耻道喪。是人材之與紀綱上下交壞之也。士大夫愈見薄矣。此人材所由衰者六也。由此觀之。人材盛衰。曰君曰大臣曰士大夫。皆不能無責焉。方今明盛之朝。固無棄材之嫌。而未免有乏人之憂者。其來非一日也。臣願陛下深惟國家之安危。憫惜人材之衰。先斷自宸衷。公眎兼聽。照臨壅蔽。捐去愛憎。將大納忠諫。然後明詔大臣。不私於進退。士大夫不私於論議。使群材並進。無擗傷壅闕之患。則朝廷之基本鞏固。賢雋輩出。建功立業。無不如意矣。此尤當今之急務也。惟陛下財幸。

涇奏舉王觀之狀曰。臣聞報國之道。當舉賢才。舉賢才之道。當考實。蹟。臣承乏江西閫寄。首尾已足三年。前此並未敢輕於舉賢。蓋欲遲

之於久。參之於衆。密加考察。庶得其實。今蒙恩易鎮。行且去此。一道官吏之政績。敢以實聞。竊見承議郎江南西路轉運司主文字王觀之家學淵深。天資夷粹。往年編入宣幕。守荆諭蜀者。率賴其助。試也。江之德化善政尤多。今為江西運管處事。極有條理。然未嘗矜能以求名。持論主於正大。而尤知潔已以律下。識者皆以為遠器。朝請郎撫州通判趙時通。公族之英。自致名第。揚歷州縣。俱以材稱。貳政天府。遇事不苟。垂滿而罷。或者惜之。通守撫州。就攝郡事。邦人既服其明允。又稱其廉平。驗之行事。尤有實政。承議郎江南西路安撫司主管機宜文字洪傑。夙度端凝。更能整密。生於相閥。克守儒風。自為漢陽簽幕。請司已交薦其材。及至試邑黃陂。治辦之外。又有學道愛人之政。今為本司機幕。每事明審。無不合宜。雍容撥煩。庶介可敬。陸沉幕屬。未盡其長。朝奉郎筠州通判孫格。七閩之秀。卓拾儒科。明習

條章克成端介昨來宰泉之同安殊有能聲今茲通判筠陽凡所關
決未始留滯宣教郎知建昌軍新城縣何遷策名太學擢第一科初
為隆興節推當路交薦其材且繼任成都撫幹諸司亦表其廉能試
邑新城盡起宿弊催科不勞而辦田里無不安之通直郎知撫州崇
仁縣彭耕名父之子克世其美其才足以強濟其心主於寬平崇仁
當累政玩弛之餘耕到官數月治聲藹然獄訟既清財賦亦裕推其
餘力猶能廣學校築堤岸以惠邑人通直郎知臨江軍新淦縣趙公
括學古入官脩飭廉謹早年甘守遠次務師先達以為文及壯試吏
所至去思新淦縣邑素多豪猾公括廉介守法不畏強禦苗裔而跋
扈之徒不能欺邑以大治奉議郎知隆興府新建縣桂如虎儒行吏
能俱有是取安於平進廉不近名服勤邑事行且交代臣察其聰敏
之間並無過舉通直郎知筠州高安縣潘重學士長名家習熟文

獻持心近厚律己以廉其在高安安靜不擾而邑事整整有理閭里
安之文林郎贛州瑞金縣丞陳景仁奮身上庠遂策名第再轉而為
丞刺邑每事健決不避權豪清攝邑寄無不辦治州郡材之從政郎
隆興府武寧縣丞連元操守端溫學術該洽贊畀邑政潔已奉公靖
共自將不事奔競迪功郎臨江軍軍學教授徐介經學脩明文詞瞻
矚能謹庠序之教務崇義理之文教導有方士類多之已上十二人
臣始得之於衆言未敢深信及驗之行事委有實績仍其間多是前
後累經監司守臣論薦非特臣一己之私言欲望朝廷特賜審察擢
用他時必能效尺寸於事功誠非小補
涇又奏舉滕璘等狀曰臣誤蒙聖恩分闈江右一道十二州之官吏
雖不能徧觀盡識然其間學以從政居官可紀者采諸公論密加考
察今得七人知而不舉臣則有罪竊見朝奉郎隆興府通判滕璘天

賈靖重學術淹該早為省殿試前名不肯輒干捷徑盤旋州縣逾三十年晚造班行未究所蘊今通守本府准職公勤叶贊為多從事郎江南西路轉運司幹辦公事趙師秀操尚清修詞章典麗一第二十年未脫選曹師秀怡然不以介意自參漕幕處事正平持身潔廉贊畫平允承議郎知隆興府奉新縣潘景伯器度高雅政術疏通三仕于隆興邦人稱之無間言試邑奉新留心撫字剖決滯訟平易近民奉新之人無不賢之宣教郎知隆興府武寧縣趙善璿實性宏達材諳端良既由門蔭以登門第又中法科以試廷評出宰武寧曾未數月催科不擾而辦獄訟不察而明武寧之人無不德之迪功郎贛州州學教授蔣日宣稟實重厚行已端良自收科名益進學問分教章貢早譽日隆其誨人以行義為先不專以文詞為上迪功郎建昌軍軍學教授黃宜履行粹爽文學醇茂奮從舍選復取甲科初任旴

江歲月未久然其教人必以規矩士類服之迪功郎袁州分宜縣尉鄭魏徒學問老成典刑詳練登名前列自當汪擬教授魏徒乃能不卑小官屈就尉職出入阡陌戢盜安民廉勤強濟邑人稱之以上七人。不惟文學可采亦有政績足觀科名皆在人前職位猶在人後欲望朝廷他時特賜旌擢以為一道官吏之勸。

涇又奏舉徐範等狀曰檢準淳熙十六年七月十六日勅節文臣寮奏乞令監司帥守各舉其所知不必列銜同薦只乞令監司各公共按舉又準嘉泰二年三月二十四日指揮節文乞如後來增初所薦科目所知廉吏等名目悉行罷去又準嘉定六年八月一日勅中書門下省臣寮奏節文適者從臣奏請欲復所知之舉嚴議否之法乞頒示監司帥臣繼自今凡所舉部內人才與夫所知減否科目之薦務在公心採訪取其才行卓絕績用彰著者指實聞上八月一日三

省同奉聖旨依。臣伏覩從政郎南安軍大庾縣令徐範名父之子家
有史材。試邑大庾。究心撫字。居多可紀之績。宣教郎知筠州新昌縣
事沈鏗。名臣之孫。脩謹好學。游更民社。留心聽斷。殊有廉平之稱。脩
職郎南安軍南安縣令楊洽。學問淵深。文詞藻贍。為令南安。平易近
民。迪功郎筠州軍事推官俞機。生長名家。優有才具。嘗幕筠陽。事不
辭難。迪功郎筠州司法參軍詹貞。學問醇正。又子世科。政術通明。守
以廉介。人稱其賢。宣教郎知撫州樂安縣董仁澤。早擢儒科。兼通世
務。樂安最為荒陋。仁澤興仆植僵。民懷其政。宣教郎知江州德化縣
事林杲。克守家法。極有吏能。究心撫摩。令修於庭戶之間。民皆便之。
宣教郎知隆興府分寧縣事陳元衡。出身名第。有志事功。律已奉公。
撫民戢吏。百里安之。迪功郎監江南西路轉運司造船場溫良輔。識
度和平。幹才整密。處事謹密。而有辦集之能。如範等者。實臣所知。欲

望聖慈。更加考察。特賜旌擢。臣今所舉徐範等九人。充所知。
涇又奏舉蕭舜咨狀曰。臣近者不度踈外。輒以一道屬吏之實績。冒
昧上聞。繼而博加採訪。致參考猶有未盡。與其避再瀆之嫌。而有
遺材之愧。不若冒三獻之耻。而效勿欺之忠。竊見宣教郎知撫州金
谿縣事蕭舜咨。成均高選。尋策名第。材猷奮碩。操守端方。提身無瑕。
臨政不苟。金谿凋弊。陋邑實賴其撫摩。寬平之實。人甚安之。從事郎
撫州軍事判官彭去非。奮由門蔭。遂取世科。學識醇明。器資鯁亮。行
已有耻。守法不阿。臨川前後守臣。多資其質。畫廉潔之實。人尤稱之。
迪功郎江州湖口縣尉陳韓。夙有師承。蚤收科級。務為實學。不事空
言。志尚既高。識趣亦遠。儻及其華。而用之。必能以事業表見。今仕湖
口。適丁歲飢。拯荒有術。邑人德之。已上三人。去替各已不遠。輿論既
無間言。諸司亦嘗交薦。驗之行事。誠可旌擢。欲望朝廷特賜甄錄。以

風厲一道之官吏使居官廉平行已忠實者有所激勸誠非小補
涇又奏舉章瑑甄世光乞賜軫錄狀曰臣竊惟用人之道猶之用器
擇人之術比之擇材器不可不及鋒而用材不可不及時而擇及鋒
則多利器及時則多良材臣前後薦士已成屢瀆今於所部又得二
人其材與器皆堪煩使涵養更久必大可觀然知其可使辦事又當
及其英銳早加收拾竊見承務郎監潭州廣積倉兼衙倉章瑑材力
強濟識度精明博通舊聞練達世務本州倉官前此並緣久例不免
侵漁瑑能持身潔廉遂絕此弊郡有亡金之獄累月不得主名臣委
之考鞠數日卒得其實使之剖析凝滯當無留難迪功郎潭州醴陵
縣尉甄世光奮自儒科曉暢民事出入阡陌未始辭勞而又不事說
隨能自植立醴陵之治理效世光之助為多邑上二人欲冀朝廷特
賜軫錄他日或有繁難任使必能辦治惟幸朝廷及鋒及時而採取
之。

涇又列薦徐筠朱著留筠乞賜甄擢狀曰臣等誤蒙聖恩付以一道
耳目之寄凡所部官吏之庸濁苛刻者不敢避怨具以實聞悉蒙朝
廷施行不勝遠民之幸至於良二千石治行表表衆所共睹者若知
刺而不知舉何以勸功竊見朝請郎權知全州軍州事徐筠學古好
脩謹身率下不事表暴力行撫摩刑役清平田里安帖餘事著書有
補後學又能崇教化以厚風俗築城壁以固藩籬其他善政不一而
足朝請大夫權發遣道州軍州事朱著持身潔廉蓄學醇正居家孝
友賦政中和到郡之期雖未為久而豈弟之實信服於民財賦獄訟
色色整辦加之志趣端靖不為苟合人品既高政術亦茂朝散大夫
權發遣邵州軍州事留筠存心簡靖臨事寬明雖出相門實通吏道
到官以來能於整辦之中不失拊循之實已上三人臣等參之頗審

若蒙朝廷特賜甄擢。決不上孤使令。

涇又列薦薛洽等狀曰。臣等竊惟承流宣化。其責在守令。揚清激濁。其責在長吏監司。臣等誤膺委寄。既以一路郡守之有治行者。冒昧奉聞。若及守而不及令。何以為字民者之勸。竊見奉議郎知潭州長沙縣薛洽。持身清潔。莅事醇明。謹儉自將。不事形跡。每月催科。僅足則止。能藏富於田里。不窮民以自豐。考之近時。可為廉吏。通直郎知潭州安化縣趙崇模。曾出相門。學有家法。明練而不好察。公廉而務近民。安化民獠錯居。崇模以豈弟行之。無不馴服。用之他日。當為遠器。宣教郎知潭州醴陵縣羅孟。為學醇正。臨事實明。能於催科之中。不廢撫字之政。終日孜孜。主於愛人。考之行事。尤有賢業。通直郎知潭州湘鄉縣趙伯駿。恬靜有守。廉介無華。剖決得宜。不事苛察。湘鄉邑大。事繁。伯駿從容治之。各有餘地。參之輿論。委有能稱。宣教郎知道州營道縣蔡師仲。性資融明。器度開泰。達於政術。每事練詳。而又持身廉勤。御下有方。若試之事。任實為通材。從事郎知衡州耒陽縣趙彥飭。奮由屬籍。自致儒科。練達吏能。不廢學業。往時帥臣朱熹亦嘗舉之。今為耒陽。屢多惠政。已上六人。臣等互加參稽。頗為詳審。欲望朝廷特賜旌擢。以為作邑之勸。他日設不如所舉。則膠罔之罪。臣等所不敢逃。

涇又奏舉李鼎等狀曰。臣竊惟國家分道置帥。許以察吏。臣子以身報國。未若薦賢。臣承恩守藩。洞功閱歲。得於考察。宜有薦揚。竊見宣教郎知潭州益陽縣李鼎。資性和平。學業醇茂。初任宜春。簿領繼為臨賀。教官皆以脩潔受知。當路循次改秩。試邑益陽。通承靡弊之餘。力行撫摩之政。能脩學校。以勸士。寬期會。以安民。獄訟不察。而明催科。不擾而辦。平易近民。於鼎幾之。從政郎邵州州學教授陳觀。貲

靖共持身端介。平昔安分。未始干進。舊從朱熹講學。亮以名義氣節為重。分教邵陽。極力作成。不專事於文辭。能誨人以廉。堅恬退。有守於觀。似之。從事郎郴州桂東縣令黃龜鼎。材諳䟽通。器能肅給。三仕于桂陽。民懷其惠。今為桂東縣令。乃音峒。所舉龜鼎。雖務懷柔。亦不姑息。革暴而良。漸有端倪。還定安集。龜鼎有力焉。從政郎道州江華縣令莫价。志氣好修。文采亦富。見於議論。每事正平。立華之在春。陵號為難治。价力行撫字之政。不忍鄙夷其民。學道愛人。价有志焉。已上四人。在臣部內。具有實迹。可采。欲望聖慈。特賜褒擢。以厲其餘。庶見九重不忘遠之意。

涇又奏舉朱端等狀曰。臣蒙恩任使一路。雖職不專於刺舉。至官吏能否。亦嘗考察。以備器使。今所部守貳。有能名者。采之公言。纔得四五。知而不舉。是謂蔽賢。伏見朝請郎知南劍州朱端。常才具優長。儒

雅飾吏。曩宰長洲縣事。整辦諸司。列薦其能。朝廷嘗加擢用。今守延平。尤有治效。擢節郡用。置惠民倉。里糴米儲積。以助常平。閱習禁軍。月有按試。等第支賞。以厲士卒。考其施設。實有可觀。朝奉郎通判泉州何松。性資明達。政術亦優。一試於劍邑。以辦治稱。兩為郡丞。以循良著。溫陵浩穰。民夷錯雜。屯戍軍兵。以億以時。彌縫關決。賴以協濟。承議郎通判邵武軍趙善。稔宗室近屬。能自奮勵。強明敢決。所至有聲。通守齊安牙稅。增羨十餘萬緡。盡數起解。無所欺隱。殆為諸郡之最。今倅昭武。合發上供。亦不擾而辦。宣教郎通判建寧府張國均。性質篤誠。遇事不苟。奉議郎通判汀州樓鏞。才華茂美。所至有聲。富沙大府。民物繁夥。臨汀偏州。俗習犷悍。皆能協贊其守。政化大行。此五人者。考察已久。並著能名。委有政績。欲望朝廷特加表用。以為官吏之勸。

涇又奏舉陳嗣宗等狀曰。臣聞進賢受上賞。蔽賢蒙顯戮。在上之令。則有勸懲。為臣之義。第知體國。臣誤蒙聖恩。付以一路。玩歲愒日。無補毫分。惟有薦賢。是為報效。近則親所目擊。遠或來之。公言既得其人。不敢隱嘿。伏見儒林郎福建路提刑司檢法官陳嗣宗。天資靜重。學問深醇。斷獄議刑。持平守正。處置明允。人無異詞。文林郎前汀州州學教授孔夢符。文學著稱。議論英發。為從臣列薦。中書籍記選用。從事郎西外宗學教授林士遜。夙猷。醜藉。經學淵源。訓導有方。麟趾化洽。宣教郎前知福州寧德縣王克恭。學問正醇。器識宏遠。究心撫字。貴愛在民。繼之者。宣教郎鄭伯良。器質純厚。才識茂明。平易近民。催科不擾。奉議郎前知泉州同安縣章太。蒙學術醇正。操履端方。政尚中和。民惜其去。久淹州縣。未盡其才。承務郎知福州長溪縣江潤。相聽訟有方。催科不擾。濬河以便民耕。修學以養士類。具有實政。

非敢溢美。承務郎知福州懷安縣趙師玩。以守室子。能自飭。修撥煩劇。劇綽有餘。刃。宣教郎知建寧府建陽縣黃千里。舍法優等。擢第乙科。文學議論。可備館閣。承奉郎知建寧府崇安縣趙少愿。克紹家學。奮取儒科。抱負不凡。實為遠器。從政郎建寧府左司理參軍吳端忠。稟資仁恕。遇事詳明。盡心平反。獄無冤濫。承務郎知福州長溪縣丞黃以大。操尚剛潔。政事通明。剖決民訟。無不平允。修職郎泉州安溪縣主簿王仲龍。名臣之後。學有本源。簿領卑官。未究其用。迪功郎福州候官縣主簿黃佾。詞學優贍。論議有餘。迪功郎福州閩縣主簿鄧樞。履行端潔。通曉事情。皆限於特科。無以自見。此十有五人。或懷才抱藝。或立事建功。片善寸長。悉有可錄。曷能授任。不厭其多。伏乞朝廷特加旌擢。

涇又奏舉陳孔碩狀曰。臣叨竊寵榮。遂延災疾。蒙恩從欲。俾奉叢祠。

縱使危喘獲全。不復可為世用。拳拳報國之忠。猶於為賢。或可自見。臣伏見朝散大夫福建路安撫司參議官陳孔碩。學得師承。行推介潔。有志斯世。不事空言。以其才術無施不可。臣頃玷從班。被旨薦士。初未識面。得之士友。即嘗薦聞。已而朝廷博採公言。旋加甄擢。將漕廣西職事。脩舉措置。溪峒漸有倫緒。再蒙召用。以病力辭。遂得鄉部議幕。官閑無事。誠足優賢。朝廷方脩內治。且防外禦。如孔碩之才。處以閑曹。誠為可惜。臣與之同僚。首尾一年。益熟其人。不能自嘿。欲望聖慈。特賜改除。若內右外。隨所委任。必有以上副隆。指見於事業。臣疊犯天威。下情無任。

涇又奏蔡汝揆等狀曰。臣誤蒙聖恩。再昇江右閫寄。已五閱月。日夕搜訪官吏之有實政者。已得六人焉。知而不舉。近於蔽賢。竊見朝散郎通判筠州軍州事蔡汝揆。材庸碩邁。事精明。昔宰貴池。諸司嘗

合薦其政。今為高安通守。公心關決。郡無留事。吏民一詞稱之。朝奉大夫前通判隆興軍府事史復祖。優有吏材。勤守法律。三為郡佐。所至有聲。隆興滿歸。人惜其去。考其行事。具有條理。宣教郎知隆興府豐城縣事汪綬。奮自名門。留心官業。材雖強毅。政甚平和。本府日放詞狀。豐城邑大而訟獨少。田里相安。俱無間言。承奉郎知建昌軍南城縣事黃以大家。世良吏。復親名儒。律已廉平。示民安靜。昔丞長溪。郎知撫州樂安縣事。孫起予。儒學吏能。皆有足稱。一第三十六年。人歎其滯。樂安獷俗。而起予反著學道愛人之美。承事郎知袁州宜春縣事黃應酉。有政有文。精力英發。初登名第。鄉黨稱之。宜春劇邑。而應酉兼有催科撫字之譽。是六人者。臣不惟觀諸文移之申明。而又考諸案牘之剖決。不惟采諸士大夫之公論。而又訪諸詞訟之細民。

委得其實故敢冒言欲望朝廷特賜旌擢

涇又奏舉留丙楊恕等狀曰臣誤蒙聖恩再分江右之間玩愒罔功
日夕懼惕惟念事君以人薦賢報國尚可少效萬分故於一道之官
吏孳孳搜訪其為政有實績者最不悉為陛下言之臣竊見朝請大
天知撫州軍州事留丙稟資重厚賦政和平雖生相門諳練民事撫
之郡計董董丙到官五月不趣迫而事以辦鎮靜不撓田里安之年
事以迫名速加擢用猶足以得其數年之力朝散郎擢知臨江軍事
楊恕器識沈靜學術醇明備更繁難曉暢吏事到郡踰年臨政不事
察察力行撫摩崇尚教化財計昔迫而今寬訟牒先繁而後簡軍民
相安人稱其賢朝奉郎添差通判隆興軍府事丙澄文行粹夷資性
誠懇不以館閣清流而不屑吏事不以耆儒宿燕而簡畧訟牘每事
詳審精力強明有德有才人愛而敬之朝奉郎通判隆興軍府事俞

遷克守家學早有能聲昔空涑水其政已為諸邑之最今倅是邦一
力裨贊郡事多賴之搜剔蠹弊而吏不敢肆灼知情偽而民不敢欺
施於內外繁劇之任必有可紀通直郎通判南安軍張清臣生自名
門習於吏事揚歷州縣安於平進南安斗壘自溪峒挺變以來民產
失耕冒佃而經總制欠額數多幾於束手清臣於關決平允之餘能
條理財賦以無乏供人所甚難者承議郎通判隆興軍府事許後曾
出世家持身清謹存心職業不事表襮到官方及數月其見於關決
者已多可觀吏民信之畧無間言從事郎充江南西路安撫司幹辦
公事徐清叟學業醇茂奮身甲科分教當塗鄰境士類從之如歸今
茲被畫率皆可行之實守正不阿是為遠器從事郎充江南西路轉
運司幹辦公事方大琮志氣好脩文采亦贍早為西宮亞選士論稱
之主畫漕幕剖決詳明考其行事尤有賢業已上八人者在本路守

貳幹官之內。考察頗審。誠未多得其間。率皆累經監司。請為敬重。聖慈特賜甄擢。

經又奏舉范應鈴狀曰。臣竊謂國之根本在乎民。民之休戚在乎令。臣邇者不揆疎外。以一道官吏之政有實績者。冒昧敷奏。而縣政之卓然可稱者。猶未殫舉也。宣教郎知撫州宗仁縣。直子范應鈴。持身清介。遇事精明。初任尉于吉之永新。屢與郡太守爭是非。而守常。屈宗仁當積弊難治之後。應鈴嚴於吏而寬於民。苦節以非泛之費。蠲罷。乞養之取。私謁不行。豪猾屏迹。不畏強禦。實可大用。奉議郎知隆興府南昌縣事趙師陶。稟資粹溫。持心平正。六年嶺外。保譽藹然。得邑南昌。仍舊所遊學。人情至稔之地。師陶善待政。屏絕請託。凡民間爭訟。親自體訪。必欲盡得其情。而獲罪者皆伏而不怨。平易近民。凡有賢業承議郎知袁州萍鄉縣事趙彥章。文學長。議論公正。一

第三十五年。安恬自若。前任本路提刑司幹官。以所得京削。遞與別司。毋老之人。今為萍鄉。無非學道愛人之政。搢紳樂道之宣。義郎知筠州高安縣事余珪。襟度溫雅。政術詳明。生於相家。宛若寒素。初入浙西倉幕。已有令譽。今於高安彫瘵之邑。不事敲朴。月解自辦。撫摩小民。而獄訟平息。上下皆安之。奉議郎知隆興府新建縣事邵應祥。為學醇正。處事寬明。分教于衢。于徽。皆務士論。改秩作邑。飾以儒雅。能於催科之中。不廢撫字之政。參之公議。委有能稱。宣教郎知撫州臨川縣事趙宗尹。賦姿開爽。遇事直前。犯險潢池。以脫選阱。臨川頗號繁劇。宗尹到官。未久。聲譽甚休。能於整辦之中。不失和平之政。考之行事。可謂通材。承事郎知建昌軍廣昌縣事滕仲宦。生長名族。服習典刑。平進宦途。多所揚歷。廣昌僻在山谷。風俗頑犷。仲宦一以無事理之獄。訟簡寡政。譽翕然。從事郎知吉州永新縣事潘復。擢自儒

科精曉吏事前者分教蘄春大得士譽。今永新鄰接溪峒。加以豪戶盤結。復調娛得宜。強者伏而弱者愛之。刑役清簡。綱紀肅然。此八人者。皆作邑有善狀。字民有實政。為一道所稱。欲望朝廷特賜甄錄。涇又奏舉吳軫等狀曰。檢準淳熙十六年七月十六日勅節文。臣寮奏乞令監司帥守各舉其所知。不必列銜同薦之。令監司各公其接舉。又準嘉定六年八月一日勅中書門下省臣寮奏節文。通者從臣奏請。欲復所知之舉。嚴臧否之法。乞頒示監司帥守。臣繼自今凡舉部內人才。與夫所知臧否科目之薦。務在公心採訪。取其才行卓絕。績用彰著者。指實聞上。八月一日奉聖旨依。臣竊見迪功郎撫州州學教授吳軫。文學俱優。恬退有守。始到官舍。訪問郡之宿儒。率學子之諸生。親登其門。請為學正。提點刑獄孫德與聞之。謂此風不行久矣。不侍有次郎騰陟之薦。考其教育。動有成法。從政郎隆興府府學教

授梁致恭。學術醇正。質直無華。奮自膠庠。以取科第。留意教養。每考察士子於文詞之外。孤寒無媒。諸生自舉之。於其垂滿。人惜其去。從事即筠州軍事推官李伯賢。生長名家。自有植立。持身勤恪。遇事詳明。筠之郡政。多其區畫。并有條理。士論材之。修職郎隆興府武寧縣丞趙公珊。奮身屬籍。卓有吏能。律已公平。持心寬厚。武寧巖邑。公珊一以和平佐其長。財賦辦治。人情安之。迪功郎江州德安縣主簿周良。學有源流。行無瑕玷。德安邑計彫弊。不可為邑宰。為之引去。良被檄越丞職。以攝邑事。整治半年。不鞭朴而財計蘇。民稱其賢。從事郎建昌軍南豐縣主簿趙希楚。服習家訓。通曉吏道。臨事不苟。諸臺多所委任。本司凡有差檄。究心了辦。不表襮而聲譽著。人誦其能。迪功郎隆興府奉新縣主簿黃之望。材具優長。器能肅給。登歲志學。有聲場屋。奮身名第。留意職業。委以事任。皆得其當。迪功郎建昌軍南城

縣尉黃師稷天資端謹材請通明於職事所當為者莫不修舉而猶能裨贊其長以分任邑事求之下容采易多得修職郎興國軍永興縣尉趙崇畏材識優長政事勤恪奮身科第抗志高騫出入阡陌戰盜字民境內肅清邑人德之如軫等九人實臣所知欲望聖慈特賜褒擢。

涇又奏舉趙汝誠等狀曰。臣近舉撫州教授吳軫等充所知而一路官吏猶有四人焉。與其取蔽賢之罪寧受再瀆之譴敢盡為公朝言之。臣竊見奉議郎通判建昌軍兼管內勸農事趙汝誠器資峻拔政術詳明為丞為宰當路交薦。今倅肝江關決平九財計辦治人稱其能。通直郎知隆興府奉新縣主管勸農公事趙希善賦性開爽遇事雋明。厥歷寔多政譽且敏催科撫字皆究其心。一邑相安人器其業。承奉郎知隆興府武寧縣主管勸農公事兼兵馬監押趙師巖智不執

方材無滯用。雖生屬籍實事儒素租賦趨辦縣務簡寡由里驩然民安其政。迪功郎贛州司法參軍鄭斯立經學通明操行端潔手不釋卷。月評所推自是館閣之器。淹汨州縣士論惜之。以上四人者。今舉充臣所知後不如所言。甘坐謬舉之罰。

涇又應詔舉真德秀等充康吏狀曰。臣伏準尚書省劄子。并吏部牒中書門下省。八月十八日。三省同奉御筆。司令侍從兩省臺諫。知郎官及在外前執政侍從諸路帥臣監司各舉康吏。可以為表勸者三人。疏名聞奏。以備選擇。右臣衰病退老。不與世事相接。然有朋舊。采訪生死。因及一二。竊聞近來貪吏稍多。良民剝軍。一切聚斂。民之膏血竭矣。民惟邦本。本固邦寧。民心一搖。關係其大。聖天子初政。軫念及此。特降御筆。令舉廉吏。以表勸之。愛護邦本。此意切矣。臣知陛下非應故事為觀美而已。臣竊謂今日一州一路。惟大吏貪黷為

甚小吏固有貪者然民之被害尚狹若大吏貪黷民之被害有不可勝言者。小吏之廉亦豈無人。但泛泛被舉恐未足為表勸。非明詔之意。若大吏之貪者。非臣所當言。敢以大吏之廉足以表勸風俗者三人為陛下言之。臣竊見前知泉州真德秀。早掾二人者。天資潔廉操守純固。泉南多舶貨。賢士大夫間有不免。而二人者。前後為泉。皆於舶貨毫髮無取。去泉之日。舶商擁道攀送。以大香炷餞其行。二人者皆卻不受。商人無以效其勤。持香至郡治曰。此吾欲獻使君。而使君皆不受。吾安可復留。以大爐注香於郡之門。香聞闔府。相與涕泣而祝之。何施而得此於人也。傳曰。臨財毋苟得。司馬遷薦李陵云。臣見其臨財。處士大夫平居暇日。未嘗不曰。能廉。至臨財。未免有可議而二人者。臨財如此。可謂忠信行中。蠻貊矣。又見前知汀州趙崇模。廉介有守。自表襮臨汀。大禮年分進奉本色銀二千兩。及文牘諸軍

八千餘貫。兩項共為一萬五千緡。例取之縣。縣數之民。崇模到任。即自於州家抱認。嚴戢諸縣。數益民咸德之。又諸寨土軍。久不補刺。崇模任內。刺百餘人。二年所支錢糧。自當萬五千緡。皆州郡撙節支遣。於民間賦稅。日前所欠。並與倚閣。邦人翕然以為前此守臣。蓋未嘗有大槩。汝愚諸子。皆能守家法。而崇模賢譽益高。此三人者。皆大吏之廉。足以為表勸者。今德秀已蒙公朝擢。至禁從。章疎見蒙收召。崇模今為輔郡。公朝已皆獎用。似不待臣言者。然臣區區竊謂使大吏之廉者。皆如此三人。則斯民蒙福。邦本益固。實萬世無疆之休。故特述此三吏之廉節。風厲天下。庶大吏之貪者。苟有羞惡之念。必知愧悔。若小吏之貪者。聞大吏之廉。必皆化而為廉。所謂中人。以是。可以語上也。其關繫風俗之樞機。實非細事。是敢冒昧奏聞。

經又應詔舉李燔等狀曰。今月二十三日。準尚書吏部符承嘉定六

年正月十八日勅中書門下省臣寮劄子奏節文乞明詔內外之臣各舉所知。在內侍從臺諫兩省官在外帥守監司。立以期限。不拘資格。不拘統屬。各許於文臣常調之中舉實才之士二三人。其有言行可稱。事功可述。並條列聞奏。以其所薦。藉之中書。精加審覈。次第選擇。儻或欺誣。必與連坐。正月十八日三省同奉聖旨。依自指揮。到日限十日聞奏。臣伏見文林郎添差江南西路轉運司幹辦公事李燾。經行精博。趣操剛方。早從師友。多士推服。分教襄陽。為帥臣鄭挺。挾私奏劾。自是杜門。刻志學問。不屑意保仕。堂審掌故。列屬寺廷。皆辭不就。尚淹選調。未厭師虞。宜加崇獎。以勵廉退。奉議郎前荆湖南路安撫司主管機宜文字陳元勳。文彩高華。吏能強濟。系安平進。有志事功。方峒寇搶攘。宣勞募府。剴裁區處。曲盡事宜。帥臣曹彥約。嘗以功狀聞于朝廷。今已書滿。以其才力。使任劇煩。優有餘裕。承直郎差

充江淮荆浙福建廣南路坑冶鑄錢司幹辦公事鄭準。性資邁爽。學術淹該。策名儒科。通練世故。陞沉州縣。未究所繹。若蒙選擇。必有以自見於時。臣誤蒙聖恩。俾分閫寄。自揆踈拙。無以補報。祇承明詔。許之薦舉。敢以所知三人者。冒昧以聞。如燾之學行。實堪臺閣之選。若元勳若準。俱可備中外職任。將來不如所舉。臣甘坐謬舉之罰。

涇又奏舉趙崇度等狀曰。臣等誤蒙聖恩。分職臺閫。深圖報國。莫急薦賢。今於部內得一二人。敢用條陳。以備器使。臣等伏見宣教郎知桂陽軍趙崇度。家法嚴整。吏事詳明。推其惻怛忠誠之心。施於拊摩。愛利之政。桂陽為郡。地險而僻。民健以囂。崇度臨之。以至廉行之。以不擾人。自感服。舉無異詞。即其操履。先是遠器。文林郎知郴州宜章縣趙彥北。沉浸詩書。被服儒素。其父公諒。在孝宗朝。為賢監司。遺愛去思。今滿蜀道。彥北克濟前美。不墜家聲。今宰山邑。政有條理。申嚴

舊制結集土丁邑境有備故峒寇之擾止在旁邑而獨不犯其境百姓以此感之從事郎邵州新化縣令徐簡出自儒家遂於講學文墨議論能世其傳故施於邑政藹有循良豈第之風險俗頑民安其政教善怙惡懼百里知懷是三人者分處郡邑皆能為陛下牧養小民培植國本況崇度乃故相忠定公汝愚之子陛下念其父之忠勲諸子多蒙錄用豈待臣等以為軒輊特以職守所在不敢蔽賢如彥址如簡則沉淪下僚燕蚘蟬子之據若不論薦何由自達伏望聖慈特賜擢用則三人者必能有所植立仰益明時後或不如所舉甘坐謬舉之罰

經又奏舉封彥明充將帥狀曰準行在尚書吏部符承嘉定五年十月二十八日都省劄子臣寮奏節文諸路帥憲許每歲奏舉可備將帥又堪充鈐將以上任使者各兩人於奏內聲說或不如所舉甘同

罪罰隨以姓名籍之宥府候將帥有關參以衆薦次第除用如經錄用有悞使令檢照元舉官重加責罰以革徇私覓舉之弊十月九日奉聖旨依臣竊惟養之當有素而不可取具於臨時者將才也自頃用兵江淮諸將遇敵輒貶蓋望風奔潰者多有之豈非蓄養無素而取具臨時之過歟臣伏見降授成忠郎封彥明奮身行伍有志事功頃在兵間粗著勞効方和議未成時制置大使丘憲嘗薦於廟堂臣於是時實備位政府密謂其人材武勇若獎勵作成之他日必為朝廷之用頃因峒寇猖獗自毀司統制移飛虎軍奉以才選偶不諳地利失於輕動遂致敗衄因此罪斥然其御下整肅能與士卒同甘苦軍中至今思之謫居穉歸未蒙漸被憂患頃控當益增其所未能廢棄之久實為可惜臣一向退閒少與兵將官交接敢以所知上塞明詔伏望聖慈并過匿瑕特賜甄錄以備邊場之儲亦激勵將才之一

術也。臣今舉封彥明。係嘉定六年第一貢之數。後不如所舉。臣甘坐謬舉之罰。

涇又奏舉布衣胡大壯。乞賜褒錄。狀曰。檢準嘉定五年十一月十三日。近降指揮。臣寮上言。節文。方今收用人材。非止一途。然山林畎畝之間。懷德抱道。不求聞達者。豈無其人。願俾監司守臣。博加採訪。具以名聞。無為文具。朝廷審察其實。以禮招致。從而尊顯之。庶幾上有得賢之實。下無遺材之嘆。三省同奉聖旨。依。臣聞君以求賢致化。臣以選賢報國。古之道也。恭惟陛下聖化日新。上法乎祖宗崇儒重道。博選賢俊之意。比者明詔有司。加惠遺逸。責之搜訪。俾以名聞。且欲考察其實。以禮招致。而尊顯之。雖堯舜之用心。大禹之勤求。不足過也。臣濫分符閫。遠在湖湘。欽承德音。夙夜惟謹。廣求精選。幸得其。詎敢忘報國之誼。干蔽賢之典。而不以上達。伏見潭州衡山縣

布衣胡大壯。故寶文閣直學士謚文定安國之孫。右承務郎宏之子也。抗志高遠。制行介潔。自其少時。已著孝友之稱。既長。受其祖安國之學於父宏。研究經術。博通墳典。其持論以明。義利為本。其立已以尚誠實為要。冠歲學成。即不事科舉。隱居衡嶽之下。躬耕自給。讀書自娛。爵祿外慕。一毫不以嬰其心。深藏固匿。足跡未嘗至城市州縣。官必禮於其廬。然後得見。於是行成于身。理于家。信于鄉黨。達于遠邇。邦人敬愛。咸慕其道德。尊之曰西園先生。平日著述雖多。而封建論數篇。尤為先達推重。近時如前帥臣曹彥約。擬舉樂章。咸嘉其行。相繼劾上本州。以嶽麓書院堂長虛席。嘗遣官吏以禮延致。至今力辭未就。臣觀其學識節行。足以師表後進。蓋亦古之所謂逸民也。臣竊聞孝宗朝嘗有詔舉遺逸。於是福建諸司。尚書等以魏揆之名。來上。則揆之自布衣。召對賜第。命為學官。又嘗與監察御史謝諤論

郭雍之學皆本於易。則雍自冲晦處士。加封顯正先生。此皆近事。彰彰在人耳目者。矧自陛下更化以來。勤遵孝宗。以憲至於贊進恬退。尤所急先。今大壯年踰六十。雖曰無求於世。而體力康強。亦非無用於世者。若使朝廷試加表異。俾如魏揆之郭雍。專得以齒下士被先寵于朝。不至與草木俱腐。則興起人心。轉移風俗。視孝宗時亦何難焉。是以臣愚輒體古人報國之誼。不敢泛然論。而以大壯應詔。欲望聖慈。特降睿旨。下之三省。斟酌典故。將大壯旦里才。褒錄或昇之一命。而授以在外學官之職。或錫之綸誥。而假以處士之名。庶幾山林巖穴之棄材。悉為時用。可以仰副陛下求賢致化之意矣。臣不勝倦倦。

又奏舉黃學行等狀曰。臣聞事君以人者。臣道之大端。薦人於天子者。諸侯之職。分。臣通班秘殿。分。開。選。藩。圖。報。國。恩。所。當。薦。士。知。賢。

不舉。臣竊耻之。臣竊見從事郎前全州州學教授黃學行。識度高華。學業醇茂。蚤優舍選。復召儒科。分教清湘。留意樂育。鄰境士類從之如歸。餘日著書。進而未已。守臣曾松。徐筠。嘗薦其政績文學。近者提刑樂章。提舉林行知。亦薦其文行俱高。臣參酌公言。允有實跡。從政郎永州零陵縣令劉用行。器資沉靜。趣向端方。決科効官。尤精吏事。初任真州揚子縣尉。克舉其職。備著公勤。制帥黃度。守臣潘友。聞皆嘗露章薦其材美。今為零陵令。勞心撫字。已著善聲。稽之輿論。允謂通材。迪功郎潭州寧鄉縣主簿李劉。學問深粹。器識醇明。更化之初。於貢闈對策。論事剴切。知舉樓鑰等。得其文。以為洋洋晁董公孫之對。可為清朝得人之賀。既而從臣曾喚。何異。黃疇。若又以其學問淵源。文詞秀發。可配古作。薦之於朝。今為寧鄉簿。領臣每試之。以事見其剖決。詳明。議論平正。表裏無瑕。足為速器。已上三人。資歷雖淺。文。

學俱優在臣部內考察頗審况前後各有論薦欲望聖慈特賜甄擢以為館學臺閣之儲設他日不如所舉臣敢辭謬舉之罰

涇又奏舉張聲道張履信廖視乞賜甄擢狀曰臣蒙恩分閫尸位逾年職在藩宣責兼刺舉欲率其屬當簡乃僚竊見朝請郎改權登遣永州軍州事張聲道卓擢儒科嘗丞冊府文采與于問士論所推自去班行荐更麾節今為永州留心郡政剖決民訟必適吏姦擢節非泛之資罷去非義之取如零陵舊有竹稅久已無竹而稅額尚存聲道到任採訪即為蠲放客旅舊苦重征多不入城市井蕭條聲道寬其認額民旅遂通又能捐俸助學勤身率下豈第之政田里安之識者謂其材堪臺閣不當淹邱遠外朝請郎通判潭州軍州事張履信賦資清謹臨事強濟昨宰巖邑已著能聲即守監司屢嘗論薦通判本州過濬三考九事任責未始辭難起發經總制誠不數目浩瀚稱提新

會協贊為多其他關涉亦無淹滯持身廉潔始終如一試以內外劇繁之任必有可觀朝奉郎前通判衡州軍州事廖相器質端方克守家法嘗任理掾以直去官兩為劇縣治狀稱最衡陽貳郡備著賢勞承攝永道二州首尾年餘剔除姦弊愛惜財賦一毫毫不以妄用代者賴之近雖蒙朝廷差知房陵然其材術操行宜在激濁揚清之選已上三人者在本路守貳之內不易多得欲望聖慈特賜甄擢他日必能各以所長見於世用

涇應詔舉人才舉游九言等狀曰臣承尚書吏部牒准今月十二日都省劄子節文七月十二日三省同奉聖旨在内令侍從臺諫兩省鄉監郎官不拘文武臣各舉人才三兩人某人有某才堪辦某事某人具有某能堪任某責並須明著實迹結罪保明仍限三日具奏者臣伏覩通直郎主管建昌軍仙都觀游九言資材剛實不專意於文藝

淳熙間。知靜江府張斌。嘗露薦章於孝廟。朝稱其臨事有斷。留意軍伍間事。今已三十年。更嘗既多。其才益老。近任江東。撫幹贊畫帥閫。區處事務。軍民至今思之。但其人過於自許。幾有充許之累。如朝廷棄瑕錄用。置之幕府。或遣鎮任使。必能盡率報國有所植立。朝奉郎主管台州崇道觀錢文子。器識弘毅。不以科目自居。頃緣幕僚改務。宰邑醴陵。不卑其官。刻意民事。撫摩善良。鋤治姦惡。盜賊為之屏息。豪傑望風戢歛。縣計上供之外。沛然有餘。及試郡天台。振厲風采。治民馭軍。寬猛得宜。偶嘗處事少差。未免矯枉之失。如朝廷渝被簡拔。處以繁劇。州郡或經理財賦。必能彈壓幹旋。不至乏事。承議郎前通判慶元軍府黃宜。世事精練。吏道敏強。嘗為劇縣。財計不擾而辦。獄訟咸得其平。吏畏民愛。用後少見其比。嘉泰二年。有旨令宰執論薦。邊郡守臣謂宜才學優長。是政有聲。是以克選。緣其資格未及。已俾實登通判。得俸四明郡。以多所裨補。海道利便。講之尤熟。兼曾在淮郡守官。諳悉事體。議論可聽。儻蒙朝廷照已降指揮。擢用。或別有繁難職任。其才益所優為。臣竊惟朝廷興舉事功。方貪才使過之時。此三人者。皆有可用之實。不宜真之閑地。今或嘗因廢黜。見處祠祿。或任滿替罷。未有差遣。是敢冒昧上塞明詔。如將來不如所舉。臣甘坐謬舉之罰。

涇又奏舉蕭遵等狀曰。臣蒙恩分閫。自揆罔功。惟念薦賢可以報上。今有當官可紀。居鄉有譽。察識已熟。詎敢壅蔽。弗以名聞。臣伏見朝請大夫充荆湖南路安撫司參議官蕭遵。材識優長。政事勤恪。克守家學。蔚有文名。前宰臣侍從。皆舉充著述之選。嘗以倅得郡。而有恬退之心。兩為湖南帥幕。深知利便。軍民相安。人誦其德。朝請郎通判潭州軍州事施楬。器度恢閑。材識明達。留意官業。儒者勞能。嘗為淮

東倉屬荒政賴其經理為邵陽倅善拊蠶徭再貳長沙關決平允不
事苛擾閩郡稱之朝奉郎通判潭州軍州事姜注稟資溫粹持心正
平濟美故家飾以儒雅其試邑贊幕俱有聲稱嘗與交章至于再四
今倅是邦稱提鏡會公私流通人蒙其惠承議郎充荆湖南路安撫
司主管機宜文字謝孫復天質廉謹識見疏通出自名門精於吏事
昨任建寧更屬能區畫茶利及宰浦城能字民發姦今贊幕曉暢
軍務措畫犒賞裨助為多從事郎全州州學教授謝興南文行華美
氣質粹和謹重好脩學術甚正為殿試第五名十年不調今始分教
清湘到官以來嚴於教養士子賴其作成從事郎新廣南西路提點
刑獄司幹辦公事郝祥學識該通詞章炳蔚議論守正孝友可稱
奮由甲科不自矜耀嘗分教郴陽兼攝倅職隄防盜賊動中事機今
待遠次鄉黨稱其材業此六人者皆富官可經履鄉有譽前後帥守

監司屢有薦舉材之有困於此可見欲望聖慈隨其所長特加錄用
他日必能展效不負選檢
涇又奏舉趙綸等狀曰臣竊謂國之根本在乎民民之休戚係乎令
令得其人政無不舉知而不為何以勸功伏見通直郎知潭州益陽
縣事趙綸相門濟美具有典刑天資粹和學識明遠近方更選試邑
益陽綸到官之初寬以牧良善嚴以御彊梗民訟以時剖決曲直各
得其當催科先出信由並無重疊追擾一邑之政整然可觀從事郎
知潭州善化縣事趙彥摺屬籍老成儒科自奮持心寬厚律已廉平
善化為潭州附庸爰自前官縱弛之後繼以貪吏哀缺之餘彥摺區
畫有方鈎索蠹弊不事鞭朴財計自裕一郡之人皆以為能從政郎
衡州耒陽縣令祝夢良上庠秀發材學優長吏事詳明有如素習耒
陽為衡外邑自比歲盜起鄰境寔調發屯駐之衝民不奠居正資安

集慶良到任未久。一意拊摩。平易近民。推為循吏。此三人者。皆作邑有善狀。不負字民之選。臣愚欲望聖慈。特與甄擢。俾就器使。以勸循良。不勝幸甚。

涇又奏辟宋億充潭州通判。狀曰。臣契勘潭州管縣十二。獄訟繁多。事緒叢委。全藉倅貳相與協力。濟辦其有久贊畫諾。備宣賢勞。廉潔著聞。士論推服。就俾關決。允為公舉。臣伏見宣教郎武安軍僉判宋億。資稟粹美。學問深醇。奮身科目。雅安平進。三任九考。始脫選階。今為僉幕。已遂過滿。凡擬斷民訟。共稱公平。臣自到任以來。見其處事明審。不為詭隨。持身廉勤。不自表裸。一郡僚屬。少出其右。臣今照得通判潭州軍州事張履信。合在今年十月滿替。已辦取接下政鮑華。據張履信繳申鮑華回書。稱以地遠艱於涉履。別求便利。關次欲望聖慈。就差宋億抵替鮑華。見闕已差下馬相改替宋億。不特倅貳得

人。郡事賴以協濟。亦使本州官吏。知廉平有守。如億者。得見知於公朝。庶幾寡廉鮮耻之人。聞風知慕。洗心易慮。以趨事赴功。所謂崇靖退。以抑躁競。厲廉隅。以革一貪。激揚勸沮之方。莫此為急。

涇再奏舉宋億。狀曰。臣二年分閫。初乏寸長。僅免曠職。實賴僚佐。臣伏見奉議郎前僉書武安軍節度判官廳公事宋億。學有師承。行無玷闕。靜重能守。廉潔不私。嘗由甲科。雅安平進。用舉主考。第始獲更選。以年制所拘。遂授僉幕。臣在鄉里。已知其賢。及來長沙。適同王事。朝夕相與。識察益熟。凡擬斷獄訟。悉得其平。區處職事。皆協于理。清不矯亢。和不詭隨。一郡賓僚。少出其右。臣嘗乞以倅貳奏辟。後準回降。以不曾作縣。難於施行。臣實愛其人。不容但已。乞令再任。仰荷俞允。首尾四載。操守如一。臣之拙政。蒙助甚多。近日滿替。感惜其去。而臣又誤叨改界之命。若不拜以億之人材。政績游瀆天聰。則實有蔽

賢之罪其何以勸來者。欲望聖慈察臣斯舉。出於公論。特降睿旨。試
以內外陞擢之職。俾盡所長。庶幾明時無失士之嗟。在下免陸沉之
歎。扶持世道。豈曰小補。

歷代名臣奏議卷之一百四十九

正德